

Bosna i Hercegovina
Federacija Bosne i Hercegovine
Udruženje sudija/sudaca u
Federaciji Bosne i Hercegovine

Sarajevo, Valtera Perića 15
Tel/fax 033-668-035
e-mail usfbih@bih.net.ba
www.usfbih.ba

Broj: 01/22
Sarajevo, 04.01.2022. godine

IZVJEŠTAJ O RADU ZA 2021 . GODINU

Polazeći od programskih ciljeva Udruženja sudija/sudaca u Federaciji Bosne i Hercegovine, a u skladu sa članom 25. Statuta Udruženja, ovaj izvještaj ima cilj da Vas upozna sa aktivnostima Udruženja u 2021. godini.

U 2021 godine je došlo do poremećaja i manje aktivnosti udruženja, pogotovo kada su u pitanju seminari, okrugli stolovi, edukacije zbog pandemije COVID-19. Većina navedenih aktivnosti je prešla na online format putem aplikacija za konferencijske sastanke (Zoom i Webex).

I SJEDNICE PREDSJEDNIŠTVA

U izvještajnom periodu održano je 6 sjednice Predsjedništva. Veći broj sjednica koji je bio planiranu 2021 godinu nije održan radi pandemije COVID -19.

Održane sjednice u izvještajnom periodu su:

13.01.2021. (Online) sa slijedećim dnevnim redom:

1. Prijedlog saopštenja za javnost ZKT (Zajedničkog koordinacionog tijela udruženja sudija i tužilaca u BiH), povodom aktivnosti ZKT o prijedlogu izmjena i dopuna Pravilniku o izboru članova VSTV-a.

29.01.2021. (Sarajevo) sa slijedećim dnevnim redom:

1. Usvajanje prijedloga zapisnika sa online sjednice USFBiH 13.01.2021. godine
2. Statutarni dokumenti USFBiH, prijedlozi komisije USFBiH
3. Ekrem Šarić zahtjev prema USFBiH da se dobije obavezno uputstvo i tumačenje člana 16.st.1 u vezi sa članom 1. stav 1. Pravilnika o unutrašnjem sudskom poslovanju.
4. Razno:

02.06.2021. (Neum) sa slijedećim dnevnim redom:

1. Statutarni dokumenti USFBiH, prijedlozi komisije USFBiH i ogranaka po javnoj raspravi
2. Zahtjev Nacionalni centar za državne sudove - ured u BiH, Okvirni sporazum o razumijevanju i unapređenje praktičnog učenja i osposobljavanja studenata prava i diplomiranih pravnika
3. Dopis Ogranaka Posavskog Kantona
4. Razno:

09.07.2021. (Sarajevo) sa slijedećim dnevnim redom:

1. Statutarni dokumenti USFBiH, prijedlozi komisije USFBiH i ogranaka po javnoj raspravi

2. Inicijativa sudija OS Sarajevo da se Udruženje oglasi povodom učestalih napada na sudije
3. Razno:

24.09.2021. (Sarajevo) sa slijedećim dnevnim redom:

1. Usvajanje finalnih statutarnih dokumenta USFBiH, prijedlozi komisije USFBiH i ogranaka po javnoj raspravi
2. Razno:

17.12.2021. (Sarajevo) sa slijedećim dnevnim redom:

1. Rasprava o Kriterijima za ocjenjivanje rada sudija u Bosni i Hercegovini.
2. Razno:

II SKUPŠTINA UDRUŽENJA

Predsjedništvo Udruženja donijelo je Odluku na sjednici predsjedništva 24.09.2021. godine da će se održati skupština Udruženja u periodu mjeseca Novembru 2021 godine održati Skupština udruženja. Skupština je održana 13.11.2021. godine na kojoj su usvojeni novi statutarni dokumenti i to: Novi statut Udruženja, Novi Etički kodeks Udruženja i Nova pravila pred sudom časti Udruženja.

Također je odlučeno nakon usvajanja statutarnih dokumenata da će se u narednom periodu održati Izborna skupština Udruženja po novom Statutu Udruženja, a da dosadašnjim organima udruženja produžuje mandat do organizacije skupštine po novom Statutu Udruženja.

III KOORDINACIONE AKTIVNOSTI

U okviru ovih aktivnosti, treba istaći da je Predsjedništvo Udruženja odnosno Predsjednik udruženja vodio intenzivne aktivnosti u koordinaciji sa Ograncima i drugim strukovnim udruženjima.

Nadalje:

- Udruženje je kao jedan od potpisnika ZKT-a aktivno učestvovalo u sjednicama i aktivnostima u organizaciji ZKT-a:
- Aktivnosti ZKT-a: Online Radionica ZKT 19.03.2021. i Online Radionica ZKT 23.04.2021.
- Udruženje je u posljednjem periodu intenziviralo aktivnosti sa VSTV-om povodom inicijative za izmjenu pravilnika o orijentacionim mjerilima u 2021. godini. Finalni prijedlog inicijative je usvoje početkom 2022. godine
- Također dat je inicijativa da se ocjenjivanja sudija u 2021. godini drugačije vrši a radi problema oko organizacije suđenja i drugih objektivnih problema nastalih povodom pandemije COVID-19, koje je 17.12.2021. dostavljeno VSTV-u
- Zbog pandemije COVID-19 mnoge aktivnosti edukacije i seminari su bili održani putem internet platformi (Zoom i Webex) te su članovi UO i kancelarija učestvovali online na navedenim aktivnostima.

IV ORGANIZACIJA SAVJETOVANJA IZ OBLASTI KRIVIČNOG PRAVA

Udruženje je organizator tradicionalnog savjetovanja iz oblasti krivičnog prava koje se održava u Neumu. Savjetovanje je održano u hotel „Zenit Neum“, u terminu od 02-05.06.2021. godine.

Zbog pandemije COVID-19 savjetovanje je održano uz poštivanje svih epidemioloških mjera i pravila koja su vrijedila za vrijeme trajanja savjetovanja i u hibridnom modelu rada (uživo

učešće i online učešće) sa maksimalno 30 učesnika u jednoj Sali. Svi učesnici savjetovanja koji su htjeli uživo da prisustvuju savjetovanju morali su dostaviti dokaz da su negativni na testu za virus COVID-19 ili da su vakcinisani na virus.

Član UO Udruženja Vildana Helić u svojstvu predsjednice Organizacionog odbora je održala četiri sastanaka Organizacionog odbora kojeg sačinjavaju predstavnici: CEST FBiH i RS, Udruženja sudija i tužilaca FBiH i RS, Udruženja sudija i tužilaca BiH, Udruženja žena sudija u BiH, Udruženja sudija suda BiH, Advokatske komore FBiH i RS te Pravosudna komisija Brčko distrikta, Udruženje sudija suda BiH i Centrom za istraživanje politike suprotstavljanja kriminalitetu (CPRC).

Savjetovanju je prisustvovalo 293 učesnika koje su činili sudije, tužioci, advokati, zastupnici iz Zavoda za pružanje pravne pomoći, pravobranioци, predstavnici izvršne i zakonodavne vlasti, članovi akademske zajednice, pripadnici ministarstava unutrašnjih poslova iz cijele Bosne i Hercegovine, zatim predstavnici međunarodnih organizacija i drugi.

Tema krivično pravnog savjetovanja Neum 2021 je bila: „AKTUELNE TEME IZ KRIVIČNIPRAVNE OBLASTI U BOSNI I HERCEGOVINI U 2020/2021. GODINE“

Zaključci savjetovanja su objavljeni na web stranici Udruženja i Centara za edukaciju sudija i tužioca u BiH i dostavljeni svim pravosudnim institucijama u BiH, ministarstvima pravde u BiH, VSTV-u, OSCE-u, stranim ambasadama u BiH, strukovnim udruženjima u BiH i dr.

V SUORGANIZACIJA SAVJETOVANJA IZ PREKRŠAJNE OBLASTI I GRAĐANSKE OBLASTI

Udruženje je kao suorganizator učestvovalo zajedno sa Udruženjima sudija RS, CEST RS i FBiH, u organizaciji IV Savjetovanja iz oblasti prekršajnog prava koje je održano od 17. - 19. Juna 2021. u Bijeljini, *Etno selo „Stanišić“*.

Zbog pandemije COVID-19 savjetovanje je održano uz poštivanje svih epidemioloških pravila koja su vrijedila za vrijeme trajanja savjetovanja i u hibridnom modelu rada (uživo učešće i online učešće)

Udruženje je kao suorganizator učestvovalo zajedno sa Udruženjima sudija RS, Udruženjem sudija u BiH, CEST RS i CEST FBiH, u organizaciji XV Savjetovanje iz oblasti građanskog prava u periodu od 27.-30. oktobra 2021. godine u hotelu "Termag" i « Vučko » na Jahorini.

Zbog pandemije COVID-19 savjetovanje je održano uz poštivanje svih epidemioloških pravila koja su vrijedila za vrijeme trajanja savjetovanja i u hibridnom modelu rada (uživo učešće i online učešće)

VI IZDAVAČKA DJELATNOST

Udruženje sudija u Federaciji BiH je u sklopu izdavačkih aktivnosti u 2021. godini izdalo XIX broj časopisa za pravnu teoriju i praksu „Pravo i Pravda“ 2021. Časopis je kao i prethodnih godina objavljeni članci i radovi izlagača XIX Savjetovanja iz krivične oblasti Neum 2021. Časopis je izašao kao dvobroj za 2020 i 2021. godinu, jer zbog pandemije COVID 19 časopis nije izdavan u 2020 godini. Ovogodišnji broj časopisa je imao 576 stranica. Časopis je podijeljen učesnicima savjetovanja i nakon savjetovanja je u elektronskoj formi objavljen na web stranici Udruženja. Sa web stranice svi članovi udruženja i drugi mogu preuzeti časopis.

Predsjednik Udruženja sudija/sudaca u FBiH
Hakija Zajmović s.r.